

佛祖統紀卷第五十二

宋咸淳四明福泉沙門

志

撰

歷代會要志第十九之二

宿命前身

放生禁殺

祈禱災異

國朝典故

諸國朝貢

宿命前身

鑑

晉武帝羊祐前身造武當山寺今供給備重

云云

梁武帝岳陽王蕭管鎮越知前身是許詢與

曇彥造塔

云云

北齊文宣使人乘駝出城奄然如夢至山腹
寺取經函群沙弥曰高洋駝來引見老僧問

曰高洋作天子何如

云云

唐太宗威禪師前身是陳徐陵聰智者講經

立五願後生縉雲朱氏投章安為師。栽松

道者託生周氏女遇四祖出家是為五祖忍

。玄宗房瑯與道士邢和璞遇夏入廢寺使

人掘地得甕中所藏姜師德與永禪師書恍

然悟前身

云云

為永。沙門法秀有異僧引入終

南山見朱門榜曰回向老宿指官房曰此唐

天子舊室命侍者取玉簫曰向居此好聲樂

請為人間主

。德宗西川節度韋臯初生有梵僧曰此諸

葛武侯後身

○憲宗齊君佐梵僧與一棗食之即悟前身是請經僧乃授靈隱出家名鑑空

○僖宗知玄國師見一珠入左股痛甚上有昆錯二字玄知宿業即右脇而逝世稱玄是袁盎後身云云

宋仁宗參政張方平出知滁州至僧舍見楞

伽經手迹宛然知前身為書經僧○宰相魯公亮前身是禪門青草堂○潁州官妓口作蓮華香蜀僧曰此女前為尼誦法華三十年○哲宗蘇軾前身五祖戒禪師放生禁殺

隋文帝詔天下正五九月及六齋日不得殺

生命○智者禪師至岳州講金光明經化一郡五縣一千餘所咸捨漁捕

梁武帝勅太醫不得以生類為藥郊廟牲牲

皆代以麋宗廟用蔬果

北魏獻文敕祭天地宗社勿用牲噉活七萬五千性命

北齊文宣受戒不食肉禁境內屠殺

唐高祖詔正五九月十齋日不得行刑屠

釣○武后敕斷天下屠釣○肅宗詔天下立

放生池凡八十一所顏真卿撰碑

宋太祖詔民間二月至九月不許採捕彈射

著于令○真宗詔天下州郡放生池悉與興

復無池之虞沿江淮州郡近城五里並禁漁捕。諸暨令潘華依普賢懺法不令捕江湖間魚及奉詔還關夢魚為人形者數萬號哭沸天皆云長者去矣吾輩不免烹矣。天竺慈雲法師奏請西湖為放生池每歲四月八日郡人會湖上縱魚鳥為主上祝壽。

仁宗四明延慶法智法師每歲佛生日放魚鳥祝聖壽郡以上聞敕樞密劉筠撰碑立于寺門。

祈禱災異

災

災

晉簡文有烏巢太極殿名尼道容授八關齋戒烏還巢而去。妖星為變召沙門法曠行

懺星為之沒。孝武西天涉公至長安常呪龍致雨秦主尊事之。

齊武帝不豫召諸沙門祈佛感天香滿殿聖僧振錫。

北魏節閔國子博士盧景祐通佛法從兄作亂累及景祐至心誦經枷鎖自脫。

隋文帝亢旱疊延法師并御座帝及群臣受八關齋戒俄而雨注。

唐太宗詔京城諸郡僧道轉經行道七日夜祈保秋成每歲正七月為式。詔京城沙門每月二十七日行道轉仁王經為國祈福。詔淨禪師至京祈雨感白虹晝見大雨通濟。

○中宗詔菩提流志結壇祈雨三日大澍
玄宗康居入寇安西詔不空誦仁王咒感壯
天王子神兵現五國奔潰○代宗吐蕃逼京
師內出仁王經詔不空置百高座講經寇平
○敕灌頂道場選沙門二七員為國長誦佛
頂咒璣九 璣星見于東方詔不空行法星為殞

十七

春夏不雨達壇祈禱大雨沾足○當陽節度
張昭請沙門自覺曰聞龍神依師聽經忘其
行兩頤起大悲師焚香遙祝雲起大雨
宋太祖幸相國寺祈雨設千僧齋○上幸相
國寺祈雨進蔬食兩大濟○將郊天雨不止
遣使禱無畏真身塔及期而霽○真宗亢旱

梵僧於金明池立壇咒龍湏臾雨至○神宗
夏旱上於禁中齋禱夢神僧空中吐霧覺而
大雨敕求其像得之相國寺閣第十三尊羅
漢○哲宗昇法師居興福趙清獻公師越亢
旱大疫迎大士懇禱一夕雨注疫病亦息因
奏所居曰圓通○高宗孟后去國南向奉摩
利支天像以護身○李珣避虜遇乘車人教
持摩利支天尊彌獲免兵厄○金虜入虢上
親詣上竺大士殿恭禱為戰沒者修水陸供
有夢戰死者相慶得生善趣○大旱詔道法
師祈雨師咒四鮮卿投諸江兩大洽○潞兩
不止遣內侍禱上竺大士施玉器七寶冠

國朝典故

聖恩

內道場

功德院

目錄

北魏太武誕生之節始詔天下佛寺建祝壽道場

唐玄宗詔天下寺觀建天長節祝壽道場

敕僧道遇千秋節開元寺行道散齋○德宗

誕節詔澄觀法師入內殿講經○文宗詔聖

節宰臣百僚詣寺設千僧齋○昭宗聖節敕兩

街僧道入內殿談論○景宗聖節敕寺觀設

齋禁屠釣

梁太祖大明節敕百官詣寺行香祝壽

唐莊宗聖節勅僧錄雲辯與道士入內談論

周太祖聖節宰臣百僚詣寺觀建祝壽道場

宋太祖長春節宰相范質製祝壽齋疏云

長春節詔沙門殿試經律論義十條○欽宗

詔道君聖節仍就道觀若乾龍節仍就佛寺

一依祖宗舊法

晉孝武內殿奉佛召沙門居中行道

唐代宗敕百沙門於禁中念誦謂之內道場

○敕大明宮建道場感佛光現

宋太宗贊寧僧統入見滋福殿其處安佛像

經藏立刹聲鍾即內道場○詔兩街供奉僧

於內殿建道場為民祈福○孝宗建內觀堂

詔上竺訥法師領五十僧入修金光明懺懺

以為常

唐睿宗敕貴妃公主始建功德院。代宗詔輔相大臣始建功德院。

宋徽宗敕照祖宗舊法應勅臣戚里功德壇寺自造屋置田止賜額蠲免科敷聽本家請住持不許指占有額寺院。高宗司諫陳公輔上疏應臣僚前曾陳乞有額寺院充墳寺

功惠者乞照祖宗成法並與改正。理宗臣僚言乞將軍執指占有額寺院並與改正。宋孝武敕文帝忌日於中興寺建八關齋從臣袁敏孫更進魚肉帝怒免官。唐太宗敕先朝忌辰於章敬寺行香設齋中宗詔七朝忌辰於內殿設齋行香。玄宗

敕僧道遇國忌就龍興寺行道散齋。宣宗敕列聖忌辰並詣僧寺行香如曰典興寺武德。敕州郡國忌行香不得携酒肉入寺。晉天福敕國忌宰相百僚詣寺行香飯僧。宋太宗詔國忌宰相已下詣寺觀行香禁酒。

紹九

七

諸國朝貢

晉武帝扶南國遣使進金佛象牙塔。安帝師子國進玉佛像高四尺二寸。宋文帝迦毗羅國師子國訶羅陀國訶羅單國闍婆國五國咸遣使入貢。齊東昏侯扶桑國僧惠深來京師。

梁武帝于陀利國入貢云東土有聖王出
扶南國沙門進珊瑚佛像。盤盤國遣使進
佛牙。丹丹國遣使進佛像。扶南國遣使
朝貢請佛像經論。百濟國遣使朝貢請經
論。于闐國遣使貢玉佛像。

唐太宗高麗三國沙門僧願入中國學佛法
。德宗吐蕃遣使乞賜沙門善講佛理者上
令良琇往赴
宋太祖高麗沙門諦觀持天台論疏至中國
謁螺溪法師。高麗國君遣三十六僧來中
國學永明壽禪師至今法眼一宗盛行海外
。西天沙門可智等來朝。西天沙門蘇葛

陀來貢佛舍利文殊華。西天沙門彌羅來
貢梵經。于闐國沙門善名七人來。高昌
國遣僧法淵貢辟支佛牙。太宗西天沙門
吉祥來進梵經。沙門繼從自西天還貢梵
經舍利塔。中天竺沙門鉢納摩來貢舍利
塔。天竺沙門護羅來貢梵經。沙門光遠
遊西天還進西竺王子表貢釋迦舍利。沙
門法遇自西天還貢佛頂舍利梵經。沙門
重達自西天還進佛舍利梵經。中天竺沙
門補陀來進舍利梵經。占城國沙門淨戒
詣闕貢金銅鈴杵。高麗國王遣使乞賜大
藏經御製佛乘文集詔給。日本國沙門喬

然來朝言其國傳襲六十四世隋開皇中遣使入中國求法華經唐永徽四年遣僧道照入中國從禁法師傳法云云在奮然歸國乞賜藏經詔給。日本國法濟大師奮然遣弟子嘉因祈乾來朝。真宗祥符九年北天竺沙門天覺南天竺沙門妙德西天竺沙門二十九等各進舍利梵經中天竺沙門童壽來進梵經東天竺沙門普積來進梵經一歲之中五竺咸貢。日本國沙門寂照來進無量壽像金字法華經。中天竺沙門你尾扼來進舍利梵經。西天竺沙門佛護來進梵經。北天沙門西天三藏法護來進舍利梵經。

戒賢來進梵經。迦溫彌羅國沙門目羅失稽來進梵經。西天沙門達磨波來進梵經。西天沙門衆德來朝進舍利梵經。中天竺沙門覺稱法戒來進舍利梵經金剛座真容。般尼國沙門寂賢來進梵經。西天沙門知賢來進舍利梵經。東女真國入貢乞賜藏經。西天沙門愛賢進舍利梵經。西天沙門智吉祥來進梵經。西夏國奏國內新建伽藍乞賜藏經。神宗日本國沙門尋成來朝。哲宗高麗王子僧統義天來朝蘇軾館伴敕楊傑送往錢唐受法於源法師傳天台教於天竺諫法師傳律於靈芝照律師

永樂北藏

佛祖統紀

第二〇〇冊

○孝宗日本國遣使致書四明 郡庾棲心維
那對使宣讀斥其文義繆者凡 七處
佛祖統紀卷第五十二